

四庫全書

集部

欽定四庫全書

集部

攜李詩繫卷四十

詳校官侍講_臣王燕緒

主事銜_臣徐以坤覆勘

總校官進士_臣朱鈴

校對官學正_臣翁樹棠

謄錄監生_臣賀嵩齡

欽定四庫全書

攜李詩繫卷四十

平湖沈季友編

明

羅洪先

字達夫吉水人官贊善

題天寧寺塵外樓和唐荆川韻

高閣春殘始一登
忽忘去住似遊僧
齋鐘已罷鳥初下
江雨欲來雲自蒸
笑指風旛看動息
屢從火宅試飛騰

年來漸解無生法誰信生前也試曾

唐順之

字荆川武進人官都御史

題天寧寺塵外樓

閒裏香臺盡日登默然一笑又逢僧衣裁野薜緇塵淨
飯試山精石鼎蒸大士西方談實相仙人東海說飛騰
人間多少亡羊路一一行來也未曾

題趙漸齋序芳園

爲耽泉石謝塵纓散髮扁舟羨獨行數畝荒廬堪自老

滿川鳬鷺欲相迎已知野叟無機事不向漁翁說姓名
余亦洞庭洲畔客因君轉切故鄉情

王守仁

字伯安餘姚人官
尚書封新建伯

從海日公授徒資聖寺登杏花樓賦

東風日日杏花开春雪多情故換胎素質翻疑同苦李
淡粧新解學寒梅心成鐵石還誰賦凍合青枝亦任猜
迷却晚來沽酒處午橋真訝灞橋迴

附考寺在海鹽治西五十步本晉右將軍戴威宅井中發
五色光捨為寺海中行舟望此塔為標的中有杏花樓云

遊金粟寺

金粟峰頭縱遠觀，山林不動萬松寒。
飛厓瀉碧雨初歇，古澗流紅春欲闌。
佛地移來龍窟小，僧房高借鶴巢寬。
飄然便覺離塵土，一笑天風振羽翰。

贈芳上人歸三塔

秀水西頭久閉關，偶然飛錫出塵寰。
調心亦復聊同俗，習定由來不在山。
秋晚菱歌湖水濶，月明清磬塔牕閒。
毘盧好是嵩山笠，天際仍隨日影還。

寓海鹽資聖禪房

落日平堤海氣黃
短亭衰柳艤孤航
魚帆入市乘潮晚
鼓角收城返棹忙
人世道緣逢郡博
客途歸夢借僧房
一年幾度頻留此
他日重來似故鄉

石門晚泊

風雨石門晚停舟
問舊遊烟花春欲盡
惆悵遠溪頭

方豪

字棠陵東陽人
正德時官副使

鴛鴦湖

金定四庫全書
卷四十
鴛鴦湖邊落日明荷花十里權歌清丈人自折碧筒飲
醉看秦塘海月生

任洛

字仲伊鈞州人
正德時桐鄉令

過祥符蕩

碧樹雲林隱驛樓新題舊咏姓名留停舟莫向斜陽裏
楊柳烟蕪綰客愁

呂屏

太倉人正德時以
貢授嘉善學訓

皂林古驛

萬頃祥符蕩今朝載酒過日熏人易醉風靜水無波客
路爭搖槳漁舟漫曬蓑到家明月上舞袖正婆娑

附考在嘉善北二十餘里受雙葑
南尤北尤并覽溪諸水達青浦界

泛文水漾

芳塘綠漲潏蒲萄花壓重樓柳染袍水護溪橋三四里
太平邨市出英髦

附考漾在嘉善斜塘鎮後有泉縈迴
清澈不滓土人取以釀酒丁旭有記

謝家橋

菜花零落麥初黃
柳絮東風燕子忙
橋下已無王謝宅
年年猶自集空梁

附考 橋在嘉善永安鄉

田汝成 字叔禾 錢塘人 嘉靖間官叅議

嘉興晚發別陳子常

江南春盡落花天
桑柘籠烟水滿田
野店酒香新雨後
斷橋人渡夕陽邊
羈懷瀟灑惟歌嘯
世路崎嶇只醉眠
傾蓋逢君成坐久
片帆乘月下吳川

蔡汝楠

字子木 德清人
嘉靖間官侍郎

烏戌唐氏林亭

訪舊烏溪畔空林別戍間
鑿池通暗水移石壘高山微
雨秋雲後疎花夕照間
平生愛幽寂于此欲忘還

史朝宜

福建人 浙
江布政

同沈兵憲狄叅戎登嘉善西城玩月

霜天步涼月清影上樓白
邀懽命儔侶金杯當皓魄舉
袖翻露滋引商入雲遯萬室
烟火收四顧天寂歷樓高

卷四十一
參正中境峭思方益人生良宴會三五不常獲偶愜方
成權貪趨寧爲適平時所經遊俯仰成今昔氣緣覽眺
高情由拘攣側參軍美情性沈侯固遠識酒至每自斟
興來呼五塞而予不解飲強半聊自力即事真堪咋拍
肩比莫逆火明樓下山賓散湖上鷗今夕雖同遊明朝
各異即不作久流連因以長相憶

沈奎

江陰人隆慶時
爲嘉湖兵備

和史大參

朝發西水濱夕登城上樓憑樓望行客落日明長洲天
際征哀雁雲邊急歸舟相攜得高侶呼尊成讌遊滄海
放孤月挂滿清光浮良睹豈前期嘉賓信難求露下忘
嚴寒城隅行且謳慮淡勢自輕心交意終投此夕是何
夕張筵爲誰留中夜忍分袂城戍傳更籌不寐憶清勝
翻疑夢初收人生貴適意一遣遺百憂

劉鳳

字子威長洲
人官御史

晚行石門鎮望西湖寄杭州太守

乘興遠遊無定期舟行常及暝鐘時河平兩岼月初上
溪到石門帆自遲春來花鳥宜晴日湖上風烟有夢思
爲報使君多勝事酒深蘭棹更堪移

陳良猷

字廷弼晉江人桐鄉教諭

父山仙蛻

金鼎三年大藥成等閒騎鶴上蓬瀛惟餘舊日栖真地

一壺松陰月自明

陳潤

嘉定人桐鄉訓導

石門故壘

古塞千年尚有基
斷碑殘石草離離
風烟不散英雄氣
猶似吳兵百戰時

嚴嵩

字介溪分宜人官
宰相有鈴山堂集

泛鴛鴦湖

樓閣開煙霧汀洲似畫圖
城陰度窈窕天影入虛無
岸迥傳清吹波深洗玉壺
茲辰春日好留興在鴛湖

三塔寺留別子謙徐使君年丈

金尺四卷之三
卷四十
三塔移舟望若仙
穹林翠壑俯江烟
鶯花對酒春城麗
鐘梵登樓海日先
世路無端頻送客
空門不礙擬逃禪
與君更是燕吳別
衝雨開帆各惘然

徐階

號存齋華亭人官宰相

題趙漸齋序芳園

一竿東去意何如
蘭芷鷗鳬共隱居
晦迹久焚封事草
遣閒聊註攝生書
鶴歸世重林逋宅
龍卧人方諸葛廬
我病正牽泉石念
從君端欲謝簪裾

王問

字裕夫無錫人官
僉事有仲山集

嘉禾西津驛簡錢滌齋

萬里真成汗漫遊
東來猶爲故人留
天光映水潮初靜
花氣逢春暖未收
郢國江聲先入夢
西津草色暫登樓
已將身世同虛幻
獨自開簾見白鷗

附考西水驛在
郢阜成門外

李攀龍

字于鱗歷城人嘉靖時
官按察使有滄溟集

烟雨樓

南湖迢遞俯丹梯
烟雨蕭條拂檻低
越徼層陰千里合
吳門春樹萬家迷
江流欲動帆檣外
山色遙分睥睨西
一自不齋多暇日
新詩還與醉同題

王世貞

字元美太倉人官太僕卿有弇州集

莫大叅招飲天寧寺

東風依步屨
愛此禪房幽
一雨忽秋色
諸天來暝愁
鳥隨托鉢下
僧逐鳴鐘投
尚有三車喻
能同信宿留

項女操

君是歧路人女是父母身父母業已許那能不屬君君
今既玉折女豈獨瓦全生當愧白日死當快黃泉丹旌
從東去素旌從西來兩旌東西合纏綿不得開黃檠化
爲松那知苦中久十六項家女千年周家婦君面女不
知女心君應得不似鄰家兒倉舒渾未識團圞女貞樹
煜若銀河洗不似韓憑木將情作連理伯夷豈殷民爲
殷表君臣首陽一抔土萬古稱其仁我欲竟此曲此曲
悲且長結爲金與石融爲冰與霜

附考項貞女許配吳江周應
初未婚夫死自縊年十九

海鹽石堤觀日出

日者萬物母海爲百谷王兩雄未蕩摩衆有皆推藏天
雞警霄發波臣道余望窮紘露黝紫極際見青蒼回首
顧中原破曉猶茫茫倏忽金輪升流光浴扶桑一髮界
瀛海萬鬣競縱橫湛湛天酒晞曄曄雲旗張波將駭駿
上焱與躡龍翔無復虞濛汜陽德熾方昌

弔馬將軍

一代馬新息英風颯至今能將裏革事了却據鞍心樂
府歌都護孤兒備羽林清源務持重不受肘間金

附考馬呈國海鹽指揮好古能詩有儒將風嘉靖間倭寇海上自青邨犯白馬廟被創而死子繼武擒倭

副心祭父

吳國倫

字明卿湖廣人祖籍嘉興嘉靖中進士有龐甄洞稿

途中得吳中望書有感祖墓在嘉興

闕下仙班夢未回白頭相望遠登臺馬經芒部山烟過
雁帶昆明瘴雨來萬里論心天咫尺百年懷土日徘徊

離離高塚虹橋畔猶是延陵王氣開

嘉禾道中

津亭落日繫蘭橈
攜李城臨海國遙
百里魚鹽長水市
萬家煙雨瑞虹橋
青樓越女歌相屬
白苧吳兒舞自嬌
最是江南佳麗地
可憐機杼日蕭條

蘇小小墓

我裁錦繡段郎洒
薔薇水一顧兩相當
持爲合歡被

徐渭

字文長
山陰人

桐鄉馮母詩二首

三遷近俎苦霜時一尺殊恩湛露垂自古男兒嬰白少
誰家嫠婦帝王知高齋客飯寧辭髮落葉寒機幾斷絲
見說仙郎栖海曲更無魚鮓到塘西

青史他年定幾行太夫人傳在中央不須竊藥居明月
自解將心結暗霜片匣遠飛鸞字重卑雌親刷鳳毛長
羅敷雖老攜筐在付與吳姬出採桑

附考濮鎮張氏馮倫妻也年二十九夫死課子馮孜登進士詔旌之

王穉登

字百穀長洲人
嘉隆間太學

夜泊嘉禾

此邦名槁李異代產嘉禾
煮海嚴刁斗栽桑富綺羅
魚舟歸市盡雁塔出城多
百里分吳越鄉心奈客何

嘉興夜泊

樓船旗鼓舊征夷槁李城邊屢出師
河遶戰場俱是箭雨當蠶月盡如絲
寶刀亂後條桑用白馬功成負米騎
來泊闔閭軍敗處越人猶自笑吳兒

槁李橋步月

澤國菰蘆色星橋槁李名
亂楓丹染寺高柳碧縈城
月白虹霓卧天寒駟馬行
越姬歌並起一半採蓮聲

附考槁在嘉興治東
五十里入平湖界

平望夜泊四首

魚鱗成石量桑葉論斤賣
珍重絲網難家家月中曬
雨多楊梅爛青筐滿山市
兒女當夕食媯然口唇紫
月下壓酒聲將船繫楊柳
明日到家近不須沽一斗

店傍栽紫薇顏色關江霞我家庭下樹歸日正開花

石門曲三首

採桑復採桑蠶長桑葉齊妾住石門東郎住石門西
蠶成桑葉空門前青苧長一半織郎衣一半結魚網
賣絲家復貧哭解紅羅襦將絲繫妾淚可得作明珠

莫如忠

字子良華亭人
嘉靖間官布政

嘉禾三塔

三塔倚霄半凌兢躡紫烟分標倚淨土列構指諸天一

一呈金粟亭亭間白蓮光遙龍藏日劫數雁王年珠拱
慈雲合雕楹法雨懸攀危超上界眺迴鏡迷川舍利存
仍幻浮屠起亦緣我心元不二證取一燈然

申時行

字瑤泉蘇州人官宰相

登烟雨樓

湖心傑閣敞雲扉雙屐凌高一振衣雨外菰蒲青黯黯
烟中楊柳綠依依平沙水漫魚爭躍遠浦天長鳥倦飛
恍惚瀟湘看暮景憑軒徙倚欲忘歸

皇甫汈

字子梅長洲人
官雲南僉事

秦駐山

萬乘留秦蹕千秋望越山水從溟海外雲自會稽間草
樹迴窮髮魚龍候駐顏不知徐市去靈藥幾時還

王叔承

字承父
吳江人

入越觀潮同陳濟之諸子石門雨宿

孤帆下石門旅宿暗秋原兩岸蘆荻雨幾家桑柘邨酒
堪今夕醉心與故人論此去錢塘近江潮引客魂

潘梅

廣州人嘉靖間官郎中

秦駐山

提封猶禹甸望海自秦山萬樹花爭發孤雲鳥共還方隅從眺覽磴道足躋攀擬叩金銀闕丹砂少駐顏

趙桓

字雲川烏鎮人有感古集

興懷樓

秀溪橋東溪水流朱甍畫檻溪上樓樓中羽客紫霞服每攜好客閒登遊開懷眺景豁心目遠近溪山畫圖幅

西來百箇芙蓉青東來一曲葡萄綠春烟里巷桑麻邨
桃花小橋修竹門日紅鳳鳴縣堂曉雲黑龍翔山寺昏
窗屏寂寂絕人語白鶴如賓松似主夜可彈琴晝可棋
冬宜白雪夏宜雨我因客路停孤蓬羽人別久今欣逢
焚香淪茗語終日雍雍兩耳絃歌風羽人告我登樓士
半是壺觴半文史惟有任侯戀關心紅雲北望三千里

附考在
桐鄉縣

陳履

字德基東莞人
隆慶時崇德令

春日邀彥吉集烟雨樓漫賦

秀州城南烟水多當年此地頻經過同遊俱是高陽侶
臨風呼酒還悲歌湖上高樓鎖烟雨歲久荒涼已非故
周遭雨浦只菰蒲來往烟汀但鷗鷺此時遊客皆大驚
一方勝槩徒有名酒酣倚劒湖天暮唏噓感嘆空含情
不堪歲月隨流水世路萍蹤渺難擬鏡裏星霜十二秋
眼中烟水三千里今日重來覓舊遊更邀詞客同登樓
雕窓洞豁霞光入綺檻交疎翠色浮翠色霞光紛不了

詞客憑虛騁吟眺豪懷勃勃薄晴霄共倚春風發長嘯
人間世事多乘除向時感慨今歡娛與君且進杯中物
風光此後知何如

鄧原岳

字汝高福建
人官副使

元夕宴烟雨樓

蕭蕭宿莽暖空洲傑閣平臨湖水頭火樹正當春夕永
星橋還帶暮雲流疎鐘月落僧歸院平墅風高客倚樓
此地相逢判一醉良宵樽俎暫淹留

曹代蕭

河南人萬
歷中郡守

次前韻

烟霧霏霏漾遠洲仙郎青雀到溪頭
尊前燈火紛紛下檻外湖光面面流
雪霽春山誰泛棹月明晚渚共登樓
年年樂事堪稱賞肯令東風不暫留

趙世顯

字仁甫福建人萬
歷初嘉善學訓

題任氏貞節卷

自苦冰霜操那知歲月深
塵埋千里鏡腸斷五絃琴
疊

疊九熊意悽悽化石心共姜嗟已矣攬卷一沾襟

附考嘉善顧闈妻任氏有奇節三十餘年

袁宏道

字中郎公安人萬曆間官稽勳郎中

嘉興道上古寺

金盡沙爲地竹苔水過籬龍池蛙帶子佛頂雀銜兒古
迹錢王是殘經宋代疑道旁龜剥落草裏卧豐碑

嘉興道中

彌野桑成市排溪柳作衙菜香齊吐甲樹暖欲蒸花天

色滑如卵江容潤似紗酒帘青帶上三五聚邨家

童佩

字子鳴太末人
嘉興時書賈

嘉禾道中

青帆一片水浮空百里關河半日風何事當年隔疆場

吳檣越艫鳥聲中

屠隆

字赤水寧波人
萬厯間官儀部

登秦駐山望海歌

高秋立馬登秦駐海風蕭蕭吹海樹極目遙天不可窮

赤縣神州在何處萬馬長驅巨浪來千鳧力挾浮雲去
盤陀石上坐微茫令我魂氣四飛揚閃閃金波騰若木
高高赤日挂扶桑諸峰遠近青螺矗大者如拳小如粟
雷電砰鉤戲白龍風雲慘淡愁黃鵠方丈蓬萊近可降
烟濤彷彿見雲牕瑤草琪花相蔭翳斑麟文豹何紛龐
紅顏玉女褰珠箔綠髮金童擁繡幢仰天把酒三嘆息
安得此身生羽翼謁罷東皇大帝君石邊寶瑟花間奕
龍旂翠蓋照潺湲聞道秦皇駐此山苦無靈氣通仙籍

空有雄心出大寰
三山福地尋難見
千古沙丘去不還
海神之鞭亦杳滅
鼉鼉之梁猶截某
月色冥濛龍女珠
露華淒冷湘妃襪
山上荒祠被冕旒
老僧香火幾春秋
古今英爽真潮汐
酒罷歌殘海水流

真如寺

考見前

山深入蕭颯
僧老見醇龐
日月銷金碧
松蘿偃綉幢
乳泉寒汲井
宿霧白浮牕
一自脩禪觀
雄心日轉降

湖上烟雨樓

朱欄遠近萬家連下眺通衢上接天
傍郭酒船邀落日滿湖漁火亂疎烟
僧叅水觀堪成佛客借樓居即是仙
坐到夜分人籟息寒沙孤月大颿前

使君邀飲真如

使君燕客大湖東行盡溪橋入梵宮
野騎駸駸經樹裏亂鴉漠漠向烟中
殿含霜氣金幢冷香散經聲寶界空
錦帶不嫌居士服忘形真見上皇風

龔勉

字毅所無錫人
萬厯間郡守

重修三過堂次原韻三首

蘇公遺跡覺林中歲久荒涼戲牧童
三過題詩渾是夢千年覓勝總成空
山僧已入忘言境詞客還多琢句功
景仰高風難再挹遙瞻明月起林東

古寺幽藏郭外邨蕭條蘿薜滿山門
世無坡老還誰過坐有文公可再論
弔古共看碑上句感時且倒月中尊
坐來不覺諸天暝忽聽疎鐘動梵言

學古原非塵世侶高踪未許俗人尋
虛堂鳥雀爭來往

野寺松筠自古今一榻白雲新廟貌半窓明月舊禪心
我來聊致蘋蘩意此日瞻依思獨深

長水法師墓

文杏過叅天下有長水墓長水日夜流真詮誰了悟

附考墓在
真如寺中

管橘

字彥懷南陵人
萬厯間嘉興令

東郭草堂為沈大夫賦

幽偏角里足逍遙小憩茅廬勝折腰十畝瓜田春樹合

一灣萍水暮烟消
亭如綠野堪供賦
地似桃源可避囂
不獨於今成吏隱
也令千古讓風標

南垓草堂

以上二詩
考見本傳

衡樓虛寂似崆峒
野老相傳舊閤宮
曲逕春深麻苧雨
小亭秋滿芰荷風
吳岡越嶠微茫外
沙鷺汀鷗隱見中
須信世途無坦地
只宜長日醉芳叢

劉應鉉

安福人萬
歷間邵守

烟雨樓次屠赤水韻

高閣晴空飛落霞間隨鷗鷺問蒹葭水光清淺塵緣淨
樹色參差野眺賒江上歌絃延客棹林間砧杵動誰家
磯頭凝望思何極欲把金戈挂日斜

曹維藩

萬厯間
郡判

春日同劉太守集烟雨樓

亭亭虛敞白雲浮贏得官閒共勝遊綠樹風迴清籟合
畫欄月浸碧漪流遠山飛翠供吟席夾岬垂香引客舟
五馬風流君獨擅翩翩詞賦醉滄洲

李暢

南海人萬厯時贈知縣

鍾明府邀酌鴛鴦湖

高人拉我遊，渾似泛仙舟。
簫鼓風傳曲，壺觴月滿樓。
湖山青翠遍，煙雨綠荷稠。
地挹六橋暮，風迴五月秋。
低花時度蝶，近水不驚鷗。
酒醉未歸去，應知欲枕流。

沈明臣

字嘉則鄞人萬厯間布衣

語兒溪

春風未過語兒溪，野雉低飛麥浪齊。
一片桑麻天氣綠，

養蠶時節鵬鵠啼

湯顯祖

字義仍臨川人
萬歷間官祠部

寄嘉興馬樂二丈兼懷陸五臺太宰

爲郎苦遲去官早歷落鄉闌罷倫好忽忽神遊京洛春
泣向五臺原上草馬翁只似扶風人樂生當作望諸君
卧想少遊何可得拜築高堂曾一聞世局風流常似此
曾見英雄長不死江山歲月老聞身風雨魚龍動君子
沙井闌頭初卜居穿池散花引紅魚春風入門好楊柳

夜月出水新芙蓉往往催花臨節鼓自踏新詞教歌舞
青春索向酒人拋白髮判教侍兒數烟雨樓前烟雨迷
鶯脰湖邊鶯脰嘯但取風光足留賞越西還勝大江西

秀州

雨濕松陵春滿前輕飛榆莢映新田不知何處唱歌好

東柵平湖日夜船

程嘉燧

字孟陽
休寧人

六月鴛湖飲朱子暇夜歸與雲娃惜別

金剛經
卷四
尋得伊人在水湄移舟同載復同移心隨湖草閒偏亂
愁似橫波遠不知病起尚憐妝黛淺情多頗覺笑顏違
一樽且就新知樂莫道明朝有別離

張翬

桐鄉人

失題

一水周遭抱梵宮石崖斷處小橋通片雲委地家家雨
萬樹呼秋葉葉風供佛野僧來施食放生衲子自開籠
邑侯東去無多路已覺閒忙迥不同

附考
闕

芙蓉浦

獨來洲上看芙蓉掩映寒波淡復濃近擬明霞當落照
忽驚仙子露芳容簡師行脚今何在米老名書久絕踪
回首舊亭風景換荒汀衰草憶人龍

附考浦在桐鄉縣北二十五里青墩廣福院中又曰
芙蓉洲即宋陳簡齋所居有詞詠之院係宋慶厯間
建後改壽聖院米芾書簡齋像贊
存於院明洪武間定爲廣福寺

孫孟吉

字兆禎
烏鎮人

車溪

釋子當年遠世寰絕囂塵處作玄關森森祇樹環方丈
寂寂珠林抱水灣金磬不鳴清楚靜白雲自伴老僧閒
夕陽杖錫門人遠遙聽鐘聲隱約間

附考在桐鄉清風里自皂林抵青鎮南北
二十里兩旁皆腴田藉以屏水灌溉故名

朱純

紹興人

麟湖夜泛

寥落暮天迥蒼茫湖水平秋雲開雁道涼雨洗蟬聲坐

石忘收釣臨流愛濯纓自緣耽野趣不是爲逃名

王渙

長洲人

弔梅道人墓

碑滿紫苔字來瞻試解驂丈人留戲墨武水遶新藍宿
草園高塚梅花有舊庵吁嗟成一弔歸去坐清談

王三陽

字乾甫福建人
萬曆間嘉善令

偶憩景德寺

一官淡武水勝剎望東城衲老僧初補瀾幽寺轉清禪

心追八景宦况愧三生獨有波羅月分湖徹底明

陳冕

華亭人

武塘邑中書所見

老婦撥船翁打魚水添石脚夜來初江天有雨復不雨
客子手書仍放書燕掠水禽穿柳去農搜田莠帶根鋤
烟炊過午尚未歇林外鷓鴣時一呼

郭蒙

海寧人

泛麟湖

麟湖迢遞片帆飛，夜月孤懸野燒微。
濁酒漫醺聊遣興，霜毛初變慨知非。
停撓茅屋春聲急，路入寒塘漁唱稀。
楚客久諳鰕菜味，五侯纓冕重相違。

董其昌

字玄宰，華亭人，
官禮部尚書。

寄題蕭使君弄珠樓二首

閒將鄉思倚層霄，吳楚乾坤共泐漻。
鸚鵡夜驚才子賦，鳳凰春怨美人簫。
山連秦望三神近，湖似潯陽九派消。
一自明珠還海曲，采風應到弄珠謠。

茂宰能將吏隱兼樓開山岳散江潭芷蘭一分湘浦
楊柳依依自漢南地有驪龍供照乘人如黃鶴解停驂
欲知交甫遺珠事歷亂星辰逗短檐

附考在平湖縣東湖中舊名戲珠亭又名珠臺以九
水環拱故也萬厯間漢陽蕭鳴甲爲湖令始建樓董
其昌飛白署曰弄珠樓更題拱閣曰晴川歷歷
漢陽樹芳草萋萋鸚鵡洲陸果沈樵孝皆有記

李培

利津人萬厯
間秀水令

烟雨樓

風吹明月墮魚梁讀罷殘書倚綠楊湖上蕩花樓上月

踏歌驚起睡鴛央

蕭鳴甲

字爾先漢陽人萬厯間爲平湖令遷民部

憶弄珠樓步董太史韻

名遊俗吏異時兼
遠岫低窓應碧潭
好景自饒吳會詠
美人多在大江南
花明乍浦時開纜
草綠鸚湖幾駐驂
一別薊門秋色老
可堪河影落朱檐

陳熙昌

字果菴南海人萬厯間爲平湖令擢吏科

題弄珠樓

蘭橈桂楫蕩新晴湖上花深似鏡平九曲烟波來海嶼
半空樓閣望蓬瀛吟成鸚鵡潮初長探罷驪龍月正明
欲識瑯琊遺蔭處十圍楊柳拂金城

陳子壯

字秋濤熙昌
子官尚書

題弄珠樓

鶴駕飛來仍舊嶼琴聲放出是新波去年芳草王孫地
一曲滄浪孺子歌天渺瓊樓飛夢少夜深龍女抱珠多
盈盈欲問三江水盡浣緇塵製綠荷

章士雅

字衡之吳縣人萬曆間爲嘉善令歷郎中

幽瀾泉

幽瀾千載寺落葉舊山門
一自芳踪去惟餘古甃存
片雲浮幻影孤月洗塵根
坐對空人境何須花露繁

秋日同張景銘使君登武塘城樓

蒼蒼平野淡秋容
百雉何年海上封
一水白雲連構李
片帆寒雨入吳淞
高低禾黍邨流合
遠近樓臺落照重
喜有使君持節至
笑談今古靜烟烽

水月禪院

滉漾湖光遠接天坐來水月境疑仙
一灘蘆荻寒相映半壁松蘿靜可憐
孤磬自懸開士榻浮雲不繫使君船
兩山遙望青如黛愁入鄉關倍惘然

劉公臺

百里堂開五子雄崇岡北峙佐神功
星樓俯瞰搖銀海水殿高竄落彩虹
夾岼鶯花千堞遶連江風雨百川通
松雲翠擁低秦柱瓠粉香飄逼漢宮
估客挂殘青舫月

仙人吹斷紫簫風
紅顏十斗情逾劇
白眼千秋調更同
塵世浮遊身老大
乾坤涕淚路西東
亭臯柳綠年年色
烟樹蘇臺一望中

附考臺在嘉善北城外半里嘉靖間郡守劉懋築

黃輝

字平倩南充人官少詹

送章循之赴嘉善

東行翻出國門西雪路南枝
望不迷仙吏故鄉長水近
美人別恨遠山齊
乍便越舫移萱背不隔吳歌過
韭谿

家世風流誰得似向來看劍氣成霓

鍾順

字必華南海人官知州

嘉善沈氏梅雪樓聞笛

小樓人靜月初斜歸思迢迢隔海涯短笛誰吹斷腸曲
滿庭香雪落梅花

陳繼儒

字眉公華亭人

南湖

水月淡無際秋風清可憐是誰能領略罷釣老漁船

葛一龍

字震甫蘇州人官理問

煙雨樓

煙雨樓頭春乍晴
鴛央湖上鳥嚶嚶
中浮片席空三面
斜抱千家截半城
漁網曬來風柳變
酒船搖出浪花生
夕陽慣照憑欄妓
一抹遠山紅袖明

廖孔說

字傳生應天人諸生

石門

石門酒薄客愁寬
誰念霜溪曉被寒
偶見鄰舟說紅葉

五更疎雨夢長干

黃某

遂其名天台廨生

冬日遊陳山

乘興憑高日未曛
蒼苔屐齒自紛紛
林深出澗有流水
雪霽滿山多白雲
一榻琴聲憑鶴聽
半牀松影與僧分
慚余未脫塵凡跡
欲寄鄉心到雁羣

俞安期

字美長宜興人萬歷間山人

登秦駐

地盡危峰遠望開
驚波直見海門迴
翠華駐輦空秦蹕
彩筆觀濤有漢才
紛動梵音雷下震
長驅山勢雪東來
探奇不盡登臨興
無奈狂心托酒杯

樊維城

字元宗黃岡人
萬歷間海鹽令

鷹窠山

秀嶺周遭疊翠屏
臨崖喬木幾千齡
痴龍午避翻盆雨
怪蜴朝爲破柱霆
僧止林中曾九白
鳥飛海外憶三青
滄洲小吏羈心亂
又逐行春出野坰

過秦駐

秦駐峰頭問祖龍
神仙縹緲若爲從
穿厓酷似桃源宅
到海誰爲空谷蹤
暑過漸無蟬噪柳
秋成欲獻鳥銜種
碁翁散後留崖屋
似覺梯仙有附庸

橫塘

馳驅環澤國
鎮日坐洪流
畫艇安如舍
清江狹似溝
官程無樂事
物態變虛游
慣識風波險
休藏夜壑舟

旭日觀潮

陽侯出遊旗沛艾素車白馬來天外義和朝行浴兩騶
金繩界道光如繪車輪驟雨倒山來樓閣重雲匝日會
砰雷轉石窟赤蛇驚起眠龍走狼狽汪洋萬頃莫可量
倏忽似神千里汰魚蝦奔迸不能隨鮮食艱民資口膾
餘波飛雪入平原都君吾子咸蒙賴坐見堪輿青復明
何如宇宙屯還泰須臾赫日正中天遙看蜃氣浮山帶

古涇

古涇通幽際桑條拂水湄雞鳴聞里社婦饁祝田祠撫

字慚無術催科復有期常來肥掾坐馴雉愧芳規

附考海鹽有古涇三百一所在
縣西境唐令李諤開以禦水旱

楊撫

三塔

漠漠江邨暮停舟數落霞花飄金雀亂橋鎖玉龍斜僧
梵迷三塔神遊逼九華琴書攜共遠幽興老還賒

蔣愷

松江人
官工部

餅山

百尺浮圖勢如削傑頂更與雲相薄秋高木落凝望眼
許大乾坤費鵲鑿倚欄漸覺雲漢低午夜茫茫如可梯
喚回鶴夢曉光發何處一聲來碧雞

附考山在嘉善治南半里宋置酒務積鑿所
成上有玉皇閣文昌殿銀杏一輪二枝最大

鶴湖

何物昂藏相脩然見此湖橫江掠蘇軾小艇縱林逋華
表終疑化朱門未許呼安流任來往聊以慰畸孤

附考在嘉善縣西北三十
里多蓴菜蒲以產鶴得名

盛子昭墓

墨跡相傳取次看滿堂風雨不勝寒
那堪荒塚徘徊處踏破白雲紅日殘

附考盛懋字子昭元季魏塘鎮人山水人物花鳥俱
臻妙境學陳仲美而略變其法墓在嘉善城外東北
里許其姪著字叔彰亦善畫明初供事內府高帝異
之著盛叔彰全畫記後畫天界寺影壁以水母乘龍
皆不稱旨棄市

陳賢良墓

先生天下士荒塚水邊村
髡奴識寶氣神劍辭泉閣千

載有遺恨一杯空斷魂青苗曾抗疏高義動乾坤

黃景昉

字太輝
晉江人

贈陸嗣端年丈時以水部郎小謫

經年監厥獨賢勞玉勒珠弓金錯刀如汝火繩猶見謫
是誰錦瑟更能操薊門戈甲連遵永麟閣丹青想鄂褒
仍送封書留御榻主恩終念漢功曹

朱應祥

華亭人

麟溪道中

金史卷一百一十五
卷四十
一川流水半邨花
舊屋南鄰是釣家
長記歸蓬載春釀
雲籠殘照雨鳴沙

弔梅道人墓

梅老清風不可招
橡林寒雨日蕭蕭
武塘一曲烟霏外
山寺鐘聲落暮潮

澹滄溼

湖上微風蕩水開
鳥聲飛過釣魚臺
暖雲欲作桃花雨
一片輕陰柳外來

附考涇
在嘉善

斜塘

漫漫邨塘水沒沙清明初過已無花春寒欲雨歸心急
懶駐扁舟問酒家

潘暘升

原名湛烏程人
啓禎時比部郎

駕湖七首

花發名園酒滿卮錦韞爭逐是春時小庭碧影鋪清晝
留得香雲出院遲

金定四庫全書
細細香生騰可攜
碧窗垂露影
參差相思鎮日憑
誰見

和雨和烟傍一枝

上二首隱
所見姓氏

秋滿晴空月正圓
隔湖聽唱小遊仙
不因蘋際微風起

那得清音到畫船

平波潏潏羨雙鷗
草借晴光綠滿洲
花事又殘人未到

一時憑遍畫山樓

望望蒹葭擁去艘
愁分寒影渡楓江
無端想起芙蓉衩
繡出鴛鴦七十雙

種成修竹待棲鸞三五東生月影圓重到歌樓看寂寂
薜蘿深映碧窓寒

五色雲開寶鏡升繁華舊日轉難憑桃花慣逐春流水
何事漁郎認武陵

劉繩之

字永思
慈溪人

居畫閣次秋潭韻

卜築微分小徑陰山花落果駭飛禽曾聞野鶴如人瘦
自覺冥鴻得趣深一簇烟雲供遠眺數聲雞犬隔疎林

此地由來可乘興何時拋卷足幽尋

附考閣在鶴洲草堂之東

胡應麟

字元瑞蘭溪人孝廉

登烟雨樓寄沈純父

夾岼春波漾綠蘋
千家曙色照垂綸
獨爲烟雨樓中客
遙憶昆明殿裏臣
九塞兵車間仗鉞
五陵冠蓋避埋輪
應知屠狗風塵下
大有華陽擊筑人

陳鶴

會稽人

發武塘

吳天日暮海雲低
白水孤帆思欲迷
惟有愁心似明月
今宵先度武塘西

瓶山

平山高閣帶疎星
醉倚琵琶倒玉瓶
落日未迴青雀舫
行雲先渡白牛涇

張岐

興濟人
官憲副

資聖寺重光井

石井荒涼古寺邊
偶因鑿翠得甘泉
斷碑剝落埋衰草
猶記將軍捨宅年

陳埧

江陰人

弔梅道人墓

見說梅花舊有庵
清風遺落滿江南
茶烟散雨經春幾
橡樹連雲合抱三
玉骨已隨和尚化
玄關不放俗人參
我來欲爲彈流水
今古同心照此潭

周相

吳江人

汾湖舟次懷友

仙槎微放汾湖曲
新洗鉅尊避俗喧
梁月幾迴驚倒屣
秋風何處進行軒
臨溪倚杖隨流水
落日懷人檢贈言
漫興肯虛真率會
不妨促膝慰寒暄

張弘至

華亭人官
給事中

瓶山

瓶山山房小有山
陽溪流水送聲潺
傾瓶不盡相留意
離思滿天風色寒

李恕

過張文穆公墓

嵯峨荒土亂堆雲傳是前朝學士墳
泉石清標存別業風流豪思見遺文
竹雞帶雨啼春草石獸和烟卧夕曛
縱有枇杷生滿樹何人載酒弔吟魂

附考墓在崇德
治西北十七里

陳子龍

字卧子青浦人
官兵科給事

高寓公書來詢予近况余適從石齋先生築講壇

於大滌山留連竟日遂書此報之

三山迷漢使更起白雲壇環珮天風滿旌旗海日殘草
侵羣帝靜月度九霄寒惆悵乘鸞者焚香獨夜闌

陸應陽

華亭人

題水月閣

舞堤搖曳木蘭舟月色歌聲半入樓我亦有情消不盡
一瓢春酒爲君留

附考在嘉興南湖烟雨樓側

金定四庫全書
卷四十
周昇

走馬岡

數里長岡似掌平將軍戰騎昔曾經至今原上青青草
猶帶英雄汗血腥

附考在桐鄉相傳
吳王宿兵於此

沈艾

登史山

考見
前

及山東畔小芙蓉秀拔諸峰數萬重安得身閒陪老衲

看雲終日倚孤筇

趙宦光

字凡夫
蘇州人

題鶴洲圖二首

一片亭前雪何如萬壑雲開籠須遠適寧復溷雞羣

別墅背山開門臨綠水來夜深却犬吠小艇賣樵回

附考鶴洲在嘉興縣南三里唐裴休放鶴處今爲朱太守子葵園林

汪明際

字無際
吳縣人

都門閱鶴洲圖題贈

九臯方唳徹邀響在圓沙松際影新出月光疑舊斜平
居煩接翮石室可棲霞遠意同閒賞何勞問歲華

沈友儒

海寧人
官員外

及仙石

不須問道向崆峒煮汞丹成似葛翁一旦紅顏生羽翮
千年華表語遼東荒臺此日迷蒼蘚蛻骨何時瘞碧叢
安得餐餘吞一粒會能乘鶴上遙空

無名氏

烏夜邨

荒邨烏夜栖，忽遶月明啼。
生得東家女，身爲萬乘妻。
至今種高樹，不遣烏飛去。
居人凡幾家，愛聽啼啞啞。
啼啞啞，忽驚怪婦開門向烏拜。

附考村在海鹽縣南三里，晉何準寓居一夕，羣烏啼噪，乃生。女後選入宮，今有何后塚。

釋德祥

字止庵，錢塘人，洪武時僧。

周元初禱雨詩

蘇臺羽仙食玉霞，鶴年松骨輕如花。
晝騎金背之神蓂。

奉持綠章扣天家請陳旱魃爲妖邪悞焚原隰疑燒畬
草葉焦卷鑠石沙大田秋稼縮不芽忽聞赤子聲嗟嗟
帝呼將吏乘黑騶驅逐電雨鞭雷車玄雲著地手可拏
雨脚不斷紛如麻來蘇百物活魚蝦博哉陰功上相嘉
濟濟多士稱樂已羽仙不以名爲夸飄然鳬舄辭京華
冶城仙子邀相遮拍肩挹袂爭喧譁憶著安期棗似瓜
招呼不上松風槎

釋觀白

周元初詩

仙姿寒湛玉壺冰
斬叱羣魔走百靈
萬里風雲生赤日
九天雷電下青冥
瑤壇鶴唳秋如水
蕙帳人幽月滿庭
安得相從過衡岳
飛行同躡鳳皇翎

席應珍

字心齋海虞人
洪武中道士

來鶴詩

瑤壇法籙土蕭臺
聳崑縹緲白玉京
空歌協雲韶靈
駕御八景多士嚴
趨朝琅風颺清微
天花雨層霄皎皎

羣胎仙嘯歌雜雲璈前參紫霞蓋後遶青霓覽茲孝
子誠赴此仙人招阿母鍊魂仙高超謝塵囂控駕不待
轡飛飛凌沆瀣置身王母宮坐看石劫消

贈周元初

春晴步屨黃泥坂楊柳陰陰水拍城童子候人如鶴瘦
羽仙飛鳥似鳬輕碧桃花繞巢雲屋綠酒香浮貯月罌
醉裏却嫌天下窄倚闌吹笛到天明

釋洪恩

宿天寧寺

基陞稽前代浮圖想舊標風鈴天外語法鼓海門潮衣
鉢猶傳奉津梁未寂寥假令吾道在斯地豈蕭條

附考寺在海鹽城西三里舊名禪悅院宋宣和二年爲天寧永祚禪寺內有海月樓

釋普莊

卧雲軒爲嘉禾大機禪師作

卧雲軒中人塵事不能到心與雲俱閒看雲聊寄傲雲
之從龍自可期達人應世當有時乃知舒卷本無跡六

金匱要略卷之四
合茫茫隨所適殷勤爲告卧雲人
雲中有路須致身大
地蒼生望霖雨胡爲久卧南湖濱

釋圓信

字雪嶠
寧波人

早秋過朱子葵太守鶴洲草堂對雨分韻得飛字
方花礎潤晚涼歸隔浦蓮舟望漸稀林下自聞秋葉雨
燈前亦有草蟲飛巡檐半濕黃藤枝倚檻重添白苧衣
明發雲溪新水下前邨應沒舊漁磯

徐小淑

吳縣人范允臨
妻有絳輝集

烟雨樓

麥隴春殘曲逕幽
長堤疎柳繫扁舟
香鈎玉鯉芳洲月
岫隔花烟在一樓

范壺貞

字蓉裳吳縣人
嫁吳氏

烟雨樓圖

烟嵐無限雨中情
遠近樓臺一望平
吳苑草荒麋鹿走
越江春盡鷓鴣鳴
長隄柳樹迷春渚
白水菰莢繞郡城
最是晚來新月下
萬家燈火隔湖明

吳山

字巖子當塗
閩秀適十琳

禾水道中

春早猶寒草未齊
落梅邨墅鶉鳩啼
虎林烟月勞清夢
秀水雲山入品題
竹岸人家門巷靜
桑園風景夕陽低
小橋漁艇閒來往
何處花源更有溪


湯淑英

字映素蘇州
吳甯雲配

烟雨樓

樓空面面綠波平
向晚輕舸試一停
隔岸烟生天際月

敗蘆漁火幾星星



攜李詩繫卷四十

欽定四庫全書

集部

攜李詩繫卷四十一

詳校官侍講_臣王燕緒

主事銜_臣徐以坤覆勘

總校官進士_臣朱 鈐

校對官學正_臣翁樹棠

謄錄監生_臣賀嵩齡

欽定四庫全書

楊李詩繫卷四十一

平湖沈季友編

國朝

吳偉業

字駿公太倉人順治
初官祭酒有梅邨集

鴛湖曲

鴛央湖畔草粘天二月春深好放船
柳葉亂飄千尺雨
桃花斜帶一溪烟
烟雨迷離不知處
舊堤却認門前樹

樹上流鶯三兩聲十年此地扁舟住主人愛客錦筵開
水閣風吹笑語來畫鼓隊催桃葉伎玉簫聲出柘枝臺
輕靴窄袖嬌粧束脆管絃競追逐雲鬢子弟按霓裳
雪面叅軍舞鸛鵲酒盡移船曲榭西滿湖燈火醉人歸
朝來別奏新翻曲更出紅粧向柳堤歡樂朝朝兼暮暮
七貴三公何足數十幅蒲帆幾尺風吹君直上長安路
長安富貴玉驄驕侍女薰香護早朝分付南湖舊花柳
好畱烟月伴歸橈那知轉眼浮生夢蕭蕭日影悲風動

中散彈琴竟未終山公啓事成何用東市朝衣一旦休
北邙坏土亦難留白楊尚作他人樹紅粉知非舊日樓
我來倚櫂向湖邊煙雨臺空倍惘然芳草乍疑歌扇綠
落英錯認舞衣鮮人生苦樂皆陳迹年去年來堪痛惜聞
笛休嗟石季倫銜杯且效陶彭澤君不見白浪掀天一葉
危收竿還怕轉船遲世人無限風波苦輸與江湖釣叟知

項黃中家觀萬歲通天法帖

王氏勲名自始興後人書法擅精能江東將相傳家在

翰墨風流天下稱前有瑯琊後槁李項氏由來堪並美
裴毅旂常戰伐高墨林書畫聲名起當時海內號收藏
秘閣圖書玉軸裝近代丹青稱董巨名家毫素重鍾王
鍾王妙蹟流傳久貞觀在御窮搜購盡隨萬乘入昭陵
人間一字無遺漏碑石猶存腕鋒出風摧雨剝苔文脫
衆木鐫來波磔非牋麻搨就戈鋌失君家此書何處傳
云是萬歲通天年則天酷嗜二王法詔求手跡千金懸
從官方慶拜表進臣祖義獻與僧虔生平行草數十紙

龍蛇盤戲開天顏賜官五階帛百匹仍勅能手雙鉤填
裝成用寶進御府不知何事流人間我思義之負遠畧
北伐遺書料強弱惜哉徒令書畫傳誓墓功名氣蕭索
江東無事富山水興來灑筆臨池樂足知文采賴昇平
父子優游擅家學只今海內無高門稽山越水烽煙作
春風挂席由拳城夜雨君齋話疇昨嗚呼我友雅州公
舒毫落紙前人同一官烏撒沒坏土萬卷青箱付朔風
少伯湖頭輦鼓動尚書第內烟塵空可憐累代圖書盡

斷楮殘編墨林印此卷仍逃劫火中老眼縱橫看筆陣
君真裏毅之子孫相逢意氣何相親即看書畫與金石訪
求不屑辭家貧嗟乎世間奇物戀故主留取縹緗傲絕倫
金明寺謁范少伯祠

艤櫂滄江學釣魚五湖何必計然書山川禹穴思文種
烽火蘇臺弔伍胥浪擲紅顏終是恨拜辭烏喙待何如
却嗟愛子猶難免霸越平吳事總虛

附考寺在郡城內西南相傳為范蠡宅有碑刻朱公
里宋時有異僧壽萬王瘵史彌遠疾以建寺請內有

湖天海月閣
下祠范蠡

鴛湖感舊

予曾過吳來之竹亭湖墅出家樂張飲來之沒後
重遊感賦此詩

落日晴湖放楫迴故人曾此共登臺風流頓盡溪山改
富貴何常簫管哀燕去妓堂荒蔓合雨侵鈴閣野棠開
停橈却望煙深處記得當年載酒來

壬辰上巳蔣亭彥篆鴻陸我謀於鴛湖禊飲余

後三日始至同集有道開師朱子蓉沈孟陽徵
詩以補禊事予分得知字

春風好景定昆池散誕天涯却誤期
溱洧漫褰芳杜晚
雒濱須泛羽觴遲
右軍此會仍堪記
白傅重游共阿誰
故事禊堂看賜柳
年來無復侍臣知

過朱賈臣墓

翁子窮經自不貧
會稽連守拜為真
是非難免三長史
富貴徒誇一婦人
小吏張湯看倨傲
故交莊助嘆沈淪

行年五十功名晚何似空山長負薪

題鶴洲

別業堂成綠野邊養雛丹頂已千年仙人收箭雲歸浦
道士開籠月滿天竹下綈衣三徑石雪中清唳五湖田
裴公舊宅松陰在不數孤山夜放船

張若義

字吳東
華亭人

丙午夏日題鶴洲草堂二首

大地盡榛莽南湖有鶴洲
鴛鴦兩岸沒烟雨一帆收翠

篠含青靄高柯隱素秋華高何處唳掠起五更愁

坐此堪累日何處更深山隔澗人相問輕舟鶴與還風
翻花自穩魚戲水常閒安得忘機者相攜共閉關

徐士俊

字野君
杭州人

烟雨樓

雲葉四垂皆是雨浪花初起盡為烟城頭鼓響月欲出
下有美人纔放船

熊輿

字柏舉
商城人

雨集鵞湖分韻

乘風聊息五湖濱
解帶論交醉後真
斜日遠銜城堞暮
江花低照野航新
客中短劒誰為主
雨罷青山故近人
還把漁竿向何所
此中鷗鷺繫相親

姜埰

字巨卿萊陽人官給事法名智潛號壹志

鵞湖夜泛

一笑攜長笛飄然上野航
遊魚驚棹唱野鳥避燈光
賞酒隨心泊披襟稱意涼
莫嫌夜深後霧露滿衣裳

李雯

字舒章華亭人官中書

鴛湖曲

鴛湖碧水寒如玉畫閣明簾向城曲城頭萬堞波底明
城下千門漾空綠花檠輕橈相鬪飛川光杳蕩搖霏微
天雞雲中張錦翼芙蓉露下披紅衣此中雲物亦無數
朱門築斷凌波路豈聞金管隨清風時見荒臺滿涼霧
季冬霜野無飛葉蘆根雁翅相切切此鄉遊女不綰紗
玉梭手凍冰絲絕明年二月桑如麻湖上女兒顏勝花

十三攜出青絲籠影落湖中生彩霞

孔尚華

字仁初
句容人

嘉興道中戒嚴鄰舟皆結伴野泊

苔雪邛邛水流來有落花好峯行恐盡芳草思無涯棋
局雲容變機絲雁陣斜鄰舟星月下野泊即為家

陳台孫

字階六山陽
人有蜃舫集

辛卯孟夏朔日同人社集鶴洲草堂分韻

天涯踪跡半漁樵對酒當歌客思遙杜宇啼殘春去樹

黃鸝喚過澗邊橋
章臺柳在誰應折
巫嶺雲橫未可招
賴有鷗絃生激楚
魚龍夜沸海門潮

王士祿

字西樵新城人官吏部員外有司熟五種集

禾中

江城還橋李望古一踟躕
老寺裴休宅春沙范蠡湖
遠烟明渚鳥斜日冷檣
鳥太息東流水年年浸綠蕪

晚過東塔寺二十韻

蘭若蕭梁古風流想六朝
化城圍綠水孤塔上青霄
珠

閣浮林影金園絕市囂依幡看刹近緣響趁鐘遥樹偃
時遮磻途紆屢過橋到門苔滑滑入寺竹脩脩古碣何
年失塵襟此際消皺痕迴側柏暮色隱甘蕉長史遺墳
在

寺有朱
買臣墓

諸天法界標跨波通石徑對砌敞松寮居士

才還辯頭陀偈定超禪燈龍象黯佛日鼓魚銷洗鉢誠
微尚長齋況久要劫波巾擬解屈眴服思邀便好從初
地相依結一瓢滄洲仍有役白社欲無聊怖鴿棲將穩
檣烏待尚迢前期須歲月客意嚮風颺支許應非忝宗

雷尚見招襄回未能去仙梵晚蕭蕭

石門縣

落日石門路語溪明夕波女牆纔數尺一半入藤蘿

陸圻

字麗京錢塘貢生有從同集

風雨過烏戍

昨宵泊鶯脰今此近南潯四野寒烟重三江新漲深
景陽曾苦雨子建亦愁霖何況停橈客鄉思淚不禁

送魏子存之任成都

誰說蠶叢不易行
春風三月馬蹄輕
銅梁舊枕秦山險
玉壘新連楚塞平
芳草綠齊過溪口
杜鵑紅盡到綿城
知君篋底多詞賦
論蜀文應似長卿

查容

字韜荒
海寧人

由西塘抵楓涇二首

蘆荻風多颭雨涼
漁邨歷歷似瀟湘
波濤十里橫塘路
鴉背西來帶夕陽

凌風一葉趁鳬鷗
小婢依然為斷流
消盡客懷何處好

水蒨花外酒家樓

春波感舊三首

已收簾幙換承塵一色牕櫺認却真為有對門垂柳樹
綠陰曾罩艤船人

水盼蘭情不記年來應如夢去如煙青樓事往紅顏盡
老傍江湖越可憐

半簾小桁壓窗紗屋角棠梨影被遮最是一梢春未透
午陰輕罩半開花

吳綺

字園次揚州人官湖州知府有林蕙堂及亭臯集

嘉禾

淼淼寒波動畫船
南湖春雨細如煙
不知脩竹彈何事
冷落鴛鴦一萬年

戲詠醉李

歌舞無端失舊恩
蘇臺響屐總銷魂
多情只有王戎李
猶帶東腮指甲痕

沈謙

字去矜錢塘人

哭黃平之

平湖城上弄珠樓
浩浩煙波日夜愁
一自亂離成死別
不堪風月憶同遊
孤城何處煙雲斷
遠浦依然白雁秋
他日挂帆過角里
祇應揮涕弔荒邱

寓崇德縣西寺作

秋水開祥河花城初脫駕
神幢擁多寶靈輝相激射
羅衛龍宮前香藍石壁下
金輪轉重漢鯨音吼清夜
展拜珠火眉雨花向身瀉
或見紺鳥來如聞龍象咤
斑斕摩

古鼎丹青入烟麝競說無著師譚空如啖蔗至今千餘
年女陽有精舍我思此溪水東流無春夏句踐昔憂辱
語兒構亭榭采香竟淪替卧薪苦譎詐世系有興亡山
川互雄霸至今誰在哉強弱遞煙化何如皈我師塵鞅
隨手却天親非吳越欣戚皆遣謝

魏壁

字楚白慈溪人有
息賢堂前後集

梅里宿屠爨宅

汝髮黑如漆吾頭白可憐
怱怱逢上巳袞袞話當年
月

落吳關樹春深橋李田明朝須醉纜不放老夫眠

陶汝鼎

字燮友長沙人孝
廉有榮木堂集

沈明府來視病邀飲烟雨樓

豈肯悽然對古人病餘開酌為殘春樓從烟雨閣中見
水是鶯鶯夢裏因強醉自逢花事盡苦吟長與藥爐親
使君更話瀟湘舊不獨思家易損神

方殿元

字豫章番禺人
官別城知縣

南湖竹枝

佳人結伴似花叢
澄湖南畔采芙蓉
乍觸郎舟莫相怪
木蘭橈小柰東風

葉紹衡

吳江人

輓錢烈婦

滿眼湖光一鏡收
貞魂從此赴瀛洲
惟憑彤管垂青史
始信黃泉勝白頭

沈荃

字繹堂華亭人
有充齋集南帆咏

壬子長至日過嘉禾適古燈和尚駐錫龍淵以

詩見示依韻酬之

葭管陽回客裏過幽懷常自遠
烟蘿擬從初地窺金相
未許雙林繫玉珂
塔影曉浮寒樹迴
鐘聲晚逐野雲多
與君漫話無生諦
十載風塵悵逝波

萬斯備

字允誠
新縣人

寄巢端明山居

戎馬徧南國
荆扉獨隱淪
琴書娛白髮
板蕩失青春
世事袁閔老
生涯阮籍貧
向來高蹈志
寂絕更難論

宋存標

字子建松江人有翠娛閣集

登烟雨樓

去去尋幽勝溪花映晚汀飛雲隨意遠宿鳥帶煙青水
響千魚出湖寬兩岸平懷人秋思老斜月碧泠泠

孫自式

字衣月武進人有四詩集

夏日遊嘉禾褚孝廉園峯在閣

高閣白雲裏相招共怡悅開襟受涼風不覺生冰雪孤
塔當窗牖平疇接林樾時時見山僧來往踏松月竹密

當畫陰花繁自夜發
主人意無窮清歌時散髮

張琴

字桐仙
泰州人

夜至東塔寺

水濶分山寺臨窗遠
碧溪夜深孤艇入雪滿一橋迷鐘響驚僧卧人來伴鳥棲
開門尋舊榻煨火向招提

沈道映

字彥澈
松江人

登武水城橋望胥塘

閒攜雙屐向河橋
綠埜青塍入望遥幾處鶯花迷古堞

一川煙雨送輕橈英雄去後名還在芳草春來恨未銷
無限吳宮零落盡空城猶上伍胥潮

何五雲

字蜀隱
合肥人

送友人之官嘉禾

水漲官河進畫舟望中烟雨一帆收地連震澤蓴鱸美
宦入分湖稻蟹秋應載琴尊探越絕肯因絲繭輟吳鷗
十年縞紵虛相憶因爾將成權雪遊

余懷

字澹心江寧人有
研山草堂詩稿

再集鶴洲

旅泊全無事，招遙及晚風。
漁歌城外大，吹芰荷中萬。
竹寒尤綠一，楓秋始紅到。
門聞剥啄，相對幾衰翁。
叢菊花開候，孤桐葉落時。
短牆圍夕照，小閣浸秋池。
地僻間敲磬，人間看奕棋。
洲邊聊曳杖，更與過東籬。

趙進美

字韞退
益都人

嘉禾獨飲偶作

胥山遙散片霞明，舟近啼烏橋。
李城病欲養生，非慢世。

貧能嗜酒即逃名著書落魄游宜遠掃地高眠意自平
月下揚舲仍擊楫鴛鴦湖水向人清

趙端

字又呂
錢塘人

雨樓有感

縹緲飛樓帶夕陽南湖秋色正蒼茫煙開蘭槳鴛鴦冷
風度蓮舟菡萏香城堞無端悲遠客山川信美是他鄉
忘機却羨河間鳥日傍寒漪狎野航

徐喈鳳

字竹溪
宜興人

雨中遊沈山觀九松和蔣亭彥韻

好遊不避雨戴笠理輕楫江漲盪胸寬村樹含煙密循
岸入鱗溪攜手登仙室修廊鶴步間孤嶼水鳴急風籟
洞中聞瑤草階前拾坐數北山松九株雲外植總之寒
不凋名狀何須一吾儕學餐霞盍亦采其實丹邱可追
尋不負西園集

顧贄

字菡來
吳縣人

石門鎮

昔年吳越地此處設王官戰氣千年盡悲風日夜寒采
桑成白紵縹水出冰紈筐篚天家貢行人莫浪看

張養重

字虞山陰人

語兒閒步

語兒溪可住攜手岸前行處處門臨水家家樹壓城過
橋花犬吠倚閣暮鴉聲滿眼昏叢桂香風一路生

錢霍

字去病上虞人

同朱敬身舟過槁李道中

舸船信宿嚮晨開為客欣同作賦才別浦聽歌風轉送
薄雲出日雨飛來青青野麥侵書幌拂拂荷香上酒杯
擬到姑蘇邀月色相攜取醉虎邱迴

葉紹表

字仲韶吳江人官禮部

輓錢烈婦

薰葭初長綠萍灣梁孟雙飛獨自還郎夢不離三月水
思夫空望五湖山

薛宗

字諧孟無錫人官太守

輓錢烈婦

列陣貔貅壯金笳早渡關黃雲吞白晝碧水莖紅顏杜
若遺香珮江蘿想翠鬟傷神荀奉倩時見淚痕斑

汪琬

字茗文蘇州人官編修

寄題鮑聲來草庭

鮑生嗜讀書書室開南榮梧石羅四周清陰覆門衡如何
了不顧而以草名庭艸類區以別剖晰不厭精蔕藜
善蔓延蓬藿易縱橫葶藶苦如藥祈莫甘似錫此蔗差

可淙菟葵略堪烹芄蘭本非蘭壁革本非萍凡此皆惡
種詳在爾雅經生也愛芳草辨之已分明種植與溉壅
往往手親營露濃翠甲滋日暝珍芽萌晨夕觀萬變采
香擘其英陶令藝籬菊湘纍珮畦蘅二子不偶俗悅節
尤惻惻生也生東南才穎超楚傖行脫薜荔衣翻然出
柴荆空留庭前芳搖蕩春風輕

董含

字榕菴松江人有
藝葵草堂藁行世

遊當湖塔院眺乍浦諸山

登臨還極目浩蕩踏金鼇近海濤聲壯連山霧氣高岸
腥魚集網霜冷雁投壕野渡歸來晚秋風繞桔槔

弔朱買臣墓

行年五十尚飄蓬乍綰金章意氣雄半世功名甌越外
六時鐘磬墓門東檐花落處竄飢鼠松露滴時吟野蛩
富貴浮雲何足羨手摩殘碣問西風

登烟雨樓

片帆落日下鴛湖烟雨依然似畫圖殿廢只餘新覆瓦

樓傾空對舊啼鳥。牖穿翠幔無僧問。酒颺青帘待客沽。
作吏幾人能好事。一川風景至今孤。

泊西林禪子道場

艤棹重經落照灣。古松殘碣一追攀。殿門雨過金書濕。
石徑雲荒碧蘚斑。沙擁墓潮垂釣坐。江翻寒月覆舟還。
摩挲遺像空歸去。那得機緣似夾山。

楓溪曉發

柵外漁燈明滅林。間煙靄霏微自起呼。童貫酒紫螯黃。

崔初肥

鴛湖夜泊

西湖纔別又南湖倚枕秋風興不孤
葭莢漸稀霜信早
夕陽紅樹散啼烏

舟經武塘蔣亭彥杜于皇枉過予以行促悵然
而別

相看顏鬢各蹉跎欲話心期柰別何
準擬論文重放艇
白牛塘下水微波

陳維崧

字其年宜興人官檢討有授簡湖海詩稿

海鹽女

海鹽徐氏女許嫁印家郎阿翁晝下帷誰何發屋決庾
庾提刀躍入白差差公然竈下橫其尸兒傍驚怖發狂
癡啁啾癡瘼牛羊齟媪令問姬來致辭已無婚理休然
疑女今決絕勿復遲他家新婦須好為阿女仰天言一
一淚作珠子垂女是徐氏女當年許嫁印家兒印家門
戶碎亟須健婦相為持登車不返顧入戶搥搥揉帚箕

翁家楸枰何累累疊若醬瓿鹽醪瓶一兒卧蓐如死灰
舊鬼乞食新鬼飢妾身只十指手築馬鬣為封之上堂
莫餐蜃病夫還復待哺糜茹荼雖苦甘如飴鄰娃近莫
代妾悲但知同牢誼遑惜幄房私妾年已過而立歲至
今自為畫蛾眉

舟次石門

小邑一江明江頭鶴自鳴那堪今夜雨獨宿語兒城作
客年空老依人氣未平此鄉烽火後戶戶擣衣聲

林鼎復

字天友
侯官人

泛舟陡門訪高元表晚歸有述

歸舟泊寺門風寒聲窸窣
寂寥稱孤客鐘偶然發晚
色滅殘霞隙光生早月去
家千餘里顧影何滯越一
刺久在懷漫滅于誰謁紛
余抱素心不顧憐傲骨煨
芋共老僧地爐燒楫杵夜
氣涼露侵楚唄初未歇徂
秋復涉冬風景倏變忽東
山百世師胸次涵溟渤一
往有深情但愁別倉卒

姜圖南

字真源
錢塘人

晚過語溪

歸棹已如此微微向暮情
豈知秋月滿更覺野烟生
帆落斜依渚人歸半入城
紅霞飛不盡一片樹中明

徐崧

字松之
吳江人

過金粟寺值日暮宿舟中

金粟茲重過東風日已西
扁舟紅樹雨古寺綠蘋溪
暮靄冰寒磬晨星落照泥
殘僧同水宿不寐候鳴雞

趙炎

字雙白
福清人

寄酬武塘錢仲芳韻

數畝傍西郭深雲護小廬桑麻魚魏晉烟火半樵漁頭
白仍耽酒江寒獨擁書向來叩皇甫親見帶經鋤

大滌惟君在悲歌不自休中原哀二表九辨動千秋魚
鳥存遐思江山寄小樓懸知開徑日許我作羊求
才名兄弟蚤大厯席平分想像來三島尋常視五雲山
燈蟲裏坐人語葉邊聞回首蕙葭路如何不憶君

梁佩蘭

字芝五號藥亭南海人
官庶吉士有六瑩堂集

送沈客子還平湖

客中見花發歸思向花濃燕地滿碧草馬頭生亂峯行
看南湖月坐聽平湖鐘湖上鴛鴦鳥雙雙栖影重

寄沈方舟鴛湖別業

南湖三十畝君在鏡中居淺葉煙浮水梅花月照廬人
閒湘簟冷風遠玉蕭疎何地無佳興高吟出夜魚

送徐序仔歸嘉禾

為客真無補還家慰倚閭二年湖上雁幾紙嶺南書山
驛紅柑樹江城白小魚高堂有慈母猶得進盤蔬

送朱竹垞太史還禾中

錦袍爭似紫荷巾異代風流賀季真若道文章留館閣
一竿秋水又何人

陳三島

字鶴客長洲人
有雪圃遺藁

贈魏允梅

子春刺船去伯牙鼓素琴羣鳥相鳴號海水為陰沉寥

寥千載下四望無知音朝歌猗蘭操暮歌梁甫吟抱膝
一室內俯仰增悲心孟秋涼風至颯然吹衣襟

李因篤

字天生富平
人官檢討

陳平湖之官附懷曹秋岳先生

宛馬春嘶浴秦淮路入吳風塵雙屐賤雨雪片帆孤把
楫瞻青嶂褰衣滯綠蕪邦溝送湖尹為寄采苓圖

塞表香蘭接關陰玉珮遲風愁凝薄暮遺恨失臨歧二
月歸鴻少三江落日遲相思消鬢髮俯仰寸心知

日對東流水曾無西上魚自惟成邂逅何敢任蕭疎細
柳延彭澤浮雲走孟諸隔江春御短前渡一躊躇

楊雍正

字自西海寧人
官兵部侍郎

南湖有感

佳人何縹緲綠水夜光浮寂寞梨園曲蕭疎竹徑秋滌
愁還問酒乘興即登舟鄉夢蘋花冷浮生愧浪游

周茂源

字宿來
華亭人

崇德與顧震雄別

雙帆落處日初斜，把袂吳關感歲華。
積雨不分長水路，輕寒猶壓語亭花。
金尊白酒離情切，畫舫春燈客夢賒。
明發便同南去雁，那堪子夜動悲笳。

曾燦

字青藜
寧都人

宗德縣有萬鴉巢城東古寺感賦

鬱鬱城東樹，日暮萬鴉集。
結巢不能穩，飛出復飛入。
樹高與寺齊，攀折手能及。
鳥性愛清曠，此獨巢城邑。
山路雲木深，湖田夏水急。
乃知稻粱謀，使人無獨立。

汪懋麟

字蛟門江都人官主事有百尺梧桐集

送陸義山編修乞假歸當湖

與君握別當春風可惜東華試燈夜對酒惆悵秋碧空
落日無多在簾下山川圖畫正滿眼中有扁舟去如瀉
清波灩灩疑當湖烟樹搖空布帆亞君行儼入圖畫中
活水輕風不須借寄語承明一輩賢但說榮名舉手謝
坐擁小妾看添丁瀟湘琴書倚田舍山中意趣人少知
此味依稀如食蔗拋却官書真自閒任取狂吟豈堪怕

送君令我生愧心杜宇春深向人罵

楊無咎

字震伯
吳縣人

柳州曹掌公暨弟達夫過訪追憶舊遊有懷鶴

客不勝黃壚之感因賦一律

寂寂空庭遍草萊華門重為故人開
水沈雙劍三年別
雨送孤帆四月來
鄴下風流應未遠
曹家兄弟最多才
獨憐草檄人長逝
相對能無使爾哀

殷麗

字嘉生
吳縣人

嘉禾道中

柳色旗亭半郭邛昔年遊處景猶存
船過三塔驚龍窟
漁集雙橋見石門
乍得市酣銷白日
却看戍火又黃昏
南行不厭宵征苦
十載滄洲繫夢魂

徐緘

字伯調
山陰人

南湖

昨夜南湖雨點齊
蓼花灘沒板橋低
美人曉起褰珠箔
無限白雲飛出溪

黃雲

字仙裳
泰州人

駕湖棹舟過吳佩遠東溪邨舍

隱隱茅茨雞亂曉問程多指隔前溪夫人廟角殘陽滿
樵入桃花路轉迷

吳耕

字硯田
休寧人

秦塘晚照

昔王遊幸處道路尚留名落日孤城冷晴湖一帶明英
雄常代謝雲樹獨淒清隔岸聞漁唱行人無限情

杜濬

字子皇號茶邨黃岡人有變雅堂集

倦圃詩為秋岳賦

谿山真意閣前啟對滄浪帖石雲生罅牽蘿翠繞廊
蕉深垂露重松老落花香意頗思鄰近邨西問草堂

此地推林壑朱家放鶴洲繡衣心更遠倦圃地偏幽
萬竹千霄去雙橋信水流遶園無限好收拾在扁舟

宇宙行金令江山草木稀如何東嶺樹直可數人圍
陰密長含潤風生歛動衣鶯聲幸親切不到上頭飛

沈珩

字昭子海寧人官翰林院編修有耿巖文集

癸亥秋日同人讌集真如塔院懷曹秋岳先生

兩國人文會岷峨本競高于今江布席孰與謝公豪霜
染秣陵樹波傳胥嶺濤盤空同極目延望主風騷

趙吉士

字天羽漸岸人官給事有萬青閣詩

寄懷孫古隍傳臚

殷勤素謁忍重論舊侶南翔只半存胸次何曾忘醉李
眼中久不見髯孫松扉返照依苔井羅幄垂陰覆石樽

懷汝杉青無處問離離草蔓古禾塢

周斯盛

字證山寧波人官知縣

謝廣文維賢招同陸秀才聚緱泛舟東湖時清

明前一日

僧舍經旬祇病眠不知春事滿湖邊相攜步出城東去

楊柳桃花氣欲烟

令節正逢一百五輕舟閒泛兩三人弄珠樓下波如酒

醞碧搖紅滴滴新

處處招提有茂林
鳥啼花落得安心
分明翠竹青青意

誰向鋤雲去後尋

普濟庵為鋤雲上人自焚處

吳雯

字天章太原人有蓮洋詩

贈匡山老人郭襄圖

匡山老人齊得喪
鬢髮蕭騷骨骭醜
讀書萬卷眼不昏
飲酒一斗神猶王
五經腹笥何便便
蹉跎一官失少年
寄相豈肯借車馬
司業何曾與酒錢
竭來燕市屠沽飲
醉聽琵琶夜忘寢
節鼓常敷翡翠盤
翻杯輒浣葡萄錦

千鍾百榼氣轉豪客帳猶懸舊寶刀起舞身搖謝蝴蝶
和歌聲亂鄭櫻桃忽對長空見歸鳥自傷為客何時了
金馬門前再住難春明待走邯鄲道

題沈客子林屋山居圖

紫茜當年有舊廬如何又買洞庭居聞名世上喧騰甚
待學琴高控鯉魚

具區三萬六千頃隔斷人間事似麻石室金庭休更覓
此中大好讀南華

黑牛耕熟地中田橘稅茶租取自然清酒百壺書萬卷
不須更費沈郎錢

送李分虎

牽牛花開秋氣清千山萬山君獨行到家甚覺還家樂
書卷傍邊絡緯聲

李漾

字瑤沆號西陂南通
州人有南山隱詩集

九日嘉禾道中

越水吳船去不窮鴛鴦湖畔望空濛天雲漸釀重陽雨

客況行愁九月風
櫓背菊殘緣兩岸
渡頭桑矮列千叢
明朝權入南屏路
似拭秋山翠靄中

張守

字曾符松江人鹽城訓導有萊園詩藁

懷舊詩為禾中嚴宸臣先生作

籍甚嚴夫子平生未可忘
五車娛歲月一第老行藏
和寡空歌雪知微為履霜
寸心千古在欲訴不成章

草閣聯吟夜孤城對雨時
話兼千載事心獨兩人知
北海樽猶在南洲榻未移
燈前形影斷但有夢來時

黃與堅

字庭表太倉人有忍庵集

語水道中

垂垂雲影黑吹雨入蓬窗樹迴爭遮越山俄欲渡江一
灣打魚舍數點採菱艘更作迴頭望汀飛白鷺雙

錢光繡

字聖月鄞縣人有歸來閣集

范蠡湖

西施辭越幾千載此地猶傳范蠡湖梳粧臺下菱米熟
暖風吹香香有無幽魂鬢髮不可見兩岸桔槔聲歷亂

須臾愁月效眉��還似入宮初掩面丈夫寧滌臨叩罷
忍以朱顏博富貴伯圖亦似有良謨何必女戎滋訕詈
嗟嗟少伯如可起應悔當年失策矣冶思間情一望深
倚棹徘徊夜如水

楊樹聲

字無聲
潭鄉人

褚硯耘招飲園亭

寂寞揚雲宅蕭疎仲蔚樓雲封石砌暖月出板橋低弱
柳迎樽竿名花引杖藜那知千古意珍重付黃鸝

董俞

字倉水號樗亭華亭
孝廉有浮湘度嶺集

和東湖步月韻送沈南疑歸當湖

欲別沈郎哦妙句酒闌挑罷竹窓燈
蘊波弱柳拖千縷
窺戶新蟾透半稜
鼓角荒城催暝客
魚蝦小市上春罾
撚鬚擬和驚人語
故步慙余失壽陵

疊韻送徐啟遠

分明寒食遠邨園
燭影江燈帶夜烏
白首交遊惟孺子
青山著述有潛夫
春風小圃殘梅落
暮露閒亭碧蘚鋪

即山東湖招飲地野人跂望抵蓬壺

疊韻送借山上人

採得蕤絲不暫停
闔閭城畔漾歸舲
座中怪我頭先白
花底逢師眼倍青
久住雲山偏識路
偕遊麋鹿欲忘形
何當訪爾禪栖處
樹古巖幽一卷經

朱克生

字周楨寶應人
有環溪詩集

同計甫草泛東溪訪朱子蓉不遇

迴廊高閣幾追攀
鼓枻仍尋舊路還
翠竹兩崖不見

塔鈴聲在水雲灣

王爾梅

字子和海豐人有南遊草

晚泊嘉興

日斜抵檣李蕭寺起鐘聲燈火移舟見星辰穿樹行近
城喧爆竹到岸罷棋枰應對鴛湖月飄零酒一觥

程瑞禴

字孚夏休寧人有羅浮近草

泊王江涇

舟橫野浦卧沙明五月涼生景倍清燈火照波螢亂點

鳬鷺隔岸夜無聲
千林桑葉留人採
萬頃湖田待雨耕
記取東風還有意
酒旗吹向闔閭城

附考在秀水縣治北三十里按宋祝牧方輿勝覽王江涇在漕河東因巨姓黃氏江氏居此亦作黃江涇元岑士貴稅暑亭記云聞川市又名王江涇舊在官塘東宋徙置塘西

錢澄

字飲光
桐城人

新秋登慈雲寺千佛閣

武塘彌望盡平疇
高閣憑欄拍顧收
殘暑已應辭薄暮
鷺鷥陡覺入新秋
千家樹簇孤城靜
百道溪穿滿邑流

最是下方憂旱切雨壇鈴益晚來愁

姜遶

字萬青華亭人官廡吉士

讀柯南陔幔亭集

曾讀屯田一卷詞曉風殘月起相思今朝重把南陔集
欲倩春鶯譜竹枝

不信蛾眉怨獨多新詩哀艷意如何看來李嶠真才子
愛咏人間水調歌

釋弘儲

字繼起通州人

辛丑赴金粟宿鶴洲

竹光水影蕩迴廊
疊碧飛青鶴
路長身入米家圖
畫裏
野航清曉坐滿湘

釋曉青

字確菴
吳江人

壬寅題鶴洲草堂

草堂之名雙耳熱
大小園林推冠絕
憶昔追從杖履遊
佳處知難盡
曲折十日一山五日水
移得畫圖來屋裏
綳
碧凝寒枉闢奇
筆蹤遺落天然美
老樹卧波龍躍潭
瘦

藤結束如花龕我欲借君方丈地晨昏叩擊資冥探
瓶鶯一呼應聲出縱去仙禽休再詰千古風流若眼前
裴公作事多真率感君不在一飯恩形骸何物肝膽存
青鞋布襪自茲始願無謝客書其門

釋南潛

字月函長洲人原名董說

夢至梅里

時間老母過梅里董庵

晨起意不懌夢斷吳天空極目西南角越山青幾重夏
雲無意緒堆作千萬峰遊子亂方寸躑躅將何從

小立青松根新夢聊自理恍惚梅里行孤邨影寒水離
親雪晴中鶯聲今復爾母子話溪堂斜陽射衣紫

釋觀衡

字嗣愚蜀州人
有紫竹林集

訪朱涇船子道場

考見
方外

含虛魚口大鉤餌若何施斫盡南山竹空垂東海絲癡
心惟自適明眼更誰知獨有朱涇月清輝似舊時

釋行明

字養拙
蒲東人

題密印寺

大瀉青不了一寺此中閒鳥向坐時語雲從吟處來衆
僧禪已定新賦苦難裁閣筆一長嘯悠然更上臺

釋元志

字寓谷餘干人有蘭偶堂集

東湖坐雨

月影不離水竹聲時到堂檢書忘旦暮與硯共行藏十
里湖光曉千函貝葉香何緣時到此秋雨閉山房

宿化城菴

負郭精藍此最幽長堤風細柳絲柔齋鐘遠入春湖雨

梵唄驚回古渡鷗自有神魚霑世澤

陸大司空冠有放生湖

絕無漁

網下清流南薰似愛疎狂客吹散匡牀萬種愁

附考菴在當湖東岸舊爲邑令化城羅公生祠遂以名庵

釋宗渭

字筠士號紺池太倉人有茅香詩鈔

烟雨樓夜泊

落帆亭畔草芊芊放鶴洲邊好泊船
片席涼分三面水半湖暝接萬家烟
烏啼霽月高秋晚角吹清霜旅夢懸
雖有勝情無勝具憑欄凝眺重淒然

朱中楣

字遠山南昌人李少司馬元鼎妻

寄輓嘉禾三烈

為張遂林少司馬作
考見閨秀三十三卷

我聞虎丘涵劍光遊人千古弔貞孃又聞錢塘蘇小小
客過啼噓憐春草如茲二婦何足奇不朽曾不讓鬚眉
何況雲黯燕臺月折玉埋香悼三烈三生石上舊因緣
矢志長齋繡佛前千迴萬劫祇一死共視微軀薄如紙
爲子死孝臣死忠三心皎皎將毋同絕命詞成不返顧
倏然遂隔泉壤路廣柳蕭蕭易水寒胥濤日夜撼江干

楚有蘭兮湘有竹疑化鴛湖滿溪綠而今行道指豐碑
風雨酸辛猿鳥悲試看遼東歸來鶴惜哉九原不可作

王芳與

字芳從餘杭人
侍郎嚴沆室

憶子餐留鴛湖

柳瘦輕烟際迎風引緒長有愁難寄酒無淚不沾裳芳
草遲歸棹遙山待好粧問君湖畔宿幾見好鴛央

朱柔則

字道珠錢塘
人沈方舟室

遊鴛鴦湖

沿流一櫂晚風涼蓮子花多水亦香
莫怪成雙還打散由來命薄是鴛鴦

登烟雨樓

南湖千尺起高樓女伴相扶到上頭
一片離愁似烟雨西風吹滿白蘋洲

妓文娥

松江人

賦荅沈上舍南疑

幾縷爐烟蕩晚風歛衣間立小庭東
生憎蝴蝶偏多事

拂落山櫻滿地紅

綠窗無事懶搗箏
小捲蝦簾坐聽鶯
客到不勞鸚鵡報
隔溪吹到踏歌聲

樵李詩繫卷四十一

欽定四庫全書

樵李詩繫卷四十二

平湖沈季友撰

秦

水市謠

長水土人有此謠始皇聞之乃從此過與人乘舟
交易以應之按水市合爲沛字應漢祖起沛也

水市出天子

長水謠

時有老嫗聞謠甚懼日往窺城門門侍欲縛之嫗
言其故後門侍以犬血塗門嫗見血疾走忽大水
至遂淪焉谷

城門有血城當陷沒

一作城門當有
血城陷沒爲湖

三國吳

西鄉兒語

黃武二年由拳西鄉有產兒便能語因謂其鄉曰

語兒

天方明河欲清鼎脚折金乃生

一作天明河欲清脚折金乃生

唐

迴波詞

嘉興令楊廷玉武后之表姪也貪猥無厭時人爲之詞云

迴波爾時廷玉打獠取錢未足阿姑見作天子傍人不得抵觸

華亭君歌

唐末琅琊張聿爲嘉興軍華亭令有以干乞至境
上者聞民此歌不謁而去

華亭君來幾時免我疾苦療我饑

元

方推語

至正中淳安方道獻爲嘉興路推官讞獄明恕民
爲之語云

方推一斷死而無怨

丁酉謚

丁酉八月張士誠來攻嘉興叅政楊完者以大軍
四伏使小舟誘之至杉青閘多積葦以待風大起
舉火焚燎敵死甚衆遂舍舟登陸戰於東瓜堰大
破之張士誠伏水遁然完者凶肆掠人淫污婦女
少拒即指以通賊民間謚曰

死不怨泰州張生不謝寶慶楊

明

京師語

潁上李芳中永樂中進士任刑科給事中執法不撓忤權倖謫海鹽丞棄官歸宣宗嘗顧問曰李芳何在近倖畏其剛直多沮之京師爲之語曰

永樂紀綱宣德李芳

洪令語

弘治末金溪洪範爲嘉興令有才略大類楊太守

繼宗士民爲之語云

洪令楊守承前啟後

徐守語

正德間貴溪徐盈爲郡守有善政郡中語曰

徐公祖步楊武

謂楊繼宗也

張令歌

張濂蘇州人正德末爲海鹽令民歌之

前堂無吏人後堂無優人堂下無犯人

安妃語

憲廟安妃姚氏郡城人生而端靜每遊息必御大道中央家食貧常習緝木棉躬貿易俟日中市囂屏息乃就市目無忤視人多異之一日早盥覩醕水中有日月雲霞五彩扇夾兩旁爲白父母甚驚怪未幾憲廟遣中貴人下江南廣小星之選里人以妃幽閒多令德且居恒有怪徵爲白中貴人應召父母昆弟念入宮無相見期聚族而哭妃顧謂

曰是行安知不大吾門何用涕泗爲既治裝登舟
過平望妃髮素種種不盈尺一夕髮長委地進御
數年生壽王縣官貶恩澤抵郡父母皆物故無可
踪跡者其弟福圓方躡屨負擔鬻諸菓于市中得
之令習禮博士勉教爲拜起跪立即日授錦衣衛
指揮同知民間語曰

誰氏子賣青梅朝藍縷夕錦衣

潘明府語

平湖潘鵬正德丁卯舉人家貧力學授肇慶府判
未幾乞歸窮如故談經爲後生師表里人爲之語

曰

書中車馬多如簇潘明府無一舟一僕

陸青天謠

嘉善陸垞知武昌府郡人謠曰

陸青天勝明月青天無不青明月有時缺

王瓜謔

嘉靖庚戌春三月大風雨三日李樹生王瓜遂有

倭難

李樹生王瓜百里無人家

花瓦謠

田州女土官瓦氏嘉靖十四年調之征倭至蘇州

索有司捕蛇爲軍中食敗倭於王江涇時人語云

花瓦家能殺倭腊而啖之有如蛇

洪遇謠

金水口人三十一
卷四十二
歷城洪遇嘉靖間爲秀水令有惠政以艱去邑人
謠曰

洪遇再來天有眼某某不去地無皮

楊令語

楊挺高金鄉人嘉靖中由進士任海寧令有廉名
後補平湖蒞湖三年即服食細品必衙中紡織藝
圃以自給入覲時語云

天下清官楊挺高

閩中謠

嘉興譚昌言爲福建提學人有投私書者槩不發
試竣題數行裏原書復之閩人語云

來一封去兩封以爲不信視郵筒

平湖謗

平湖俞璵字廷貴有行誼熊卓知縣事引與計事
行之民輒曰神明或干以私遂謝弗與通里人謗
曰

郭東俞生當春握冰

涇縣歌

嘉興高承埏知涇縣將去民歌之曰

盼公車來何暮計公程去何馬公內召我何之急攀轅
告上司上司揚言不可止入都門見天子

楚雄歌

秀水朱大競知楚雄府政尚廉靜甫半載丁內艱
幾不能治喪歸郡人歌曰

清廉太守一世難百鳥有鳳凰有鸞

江南謠

江南田家占雨謠曰

甲申尤自可乙酉怕殺我

按二語宋南渡時即有之見范石湖詩註相傳至今

吳謠二首

官糧辦便無飯

南道如虎升官半府

吳中謠六首

有利無利但看二月十二

花朝日晴則百果多實

三月溝底白沙草變成麥

三月無雨麥乃有收

六月不熟五穀不結

秋字鹿損萬斛

立秋日不宜雷

若要麥見三白

冬至逢第三戌爲臘臘前雪三次謂之三白大宜萊麥

除夜犬不吠新年無疫厲

當湖二諺

當湖象玄珠九水環繞案山有塔及陸敬輿祠今

廢自來相傳云

九龍爭珠大物且至

案山脊出奎光乃發

童謠

朱竹垞太史靜志居詩話云此予童稚日偕間巷
小兒聯臂跣足而歌者不詳何義亦未有驗

狸狸斑斑跳過南山南山北斗獵迴界口界口北面二
十弓箭

國朝

二令謠

順治中平湖有金鍛倪适二人爲令皆貪穢民爲之謠曰

金皆鍛去倪盡适來

公歸謠

平湖陸隴其康熙庚戌進士初任蘇州嘉定知縣清操飲水愛民如子以註誤去官與妻同駕一舟

惟有圖書數卷織機一張而已邑人爲建生祠刊
公歸集以送之并爲謠曰

陸公歸舟何所裝圖書數卷機一張



馮李詩繫卷四十二